



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ad Stellam.

urn:nbn:de:hbz:466:1-13534

Vror amans, tabesco senex, lux omnis amara,
 Nox inimica mihi est. noxq; diesq; nocet.
 Sors iuuenum misera, senum deflenda. cicada
 Sors felix. o' iam discite quid sit amor.

QV ERITVR DE Eridano.

e T coelo Eridanus candenti sydere fulget.
 Et terris stella candidiore nitet,
 Illic igne suo miscet cum nectare lymphas,
 Hic flammis fluvio feruidus igne uomit.
 Illic fundit aquas, hic ignes caeruleus amnis.
 Me miserum gelida qui cremer ustus aqua.

AD STELAM.

n Vdasti mea vita sinus, & sponte papillas,
 Admostiq; meam pectora ad ipsa manum,
 Oraq; cum teneris iunxisti nostra labellis,
 Seditiq; meo sarcina grata genu,
 Cervicemq; amplexa, leui mox uicta sopore
 Concidis in nostrum languida facta sinum,
 Longaq; post fessos suspiria claudis ocellos,
 Dum tibi sopitae serpit ad ossa quies.
 Ipse tibi tenuem procuro sedulus auram,
 Composita & moueo lenia stabra manu.
 Ipse tibi somnos cantu leuo. cantus amores.
 Sarnidis, & Fauni dulcia furta refert.
 Faune ueni, tibi Sarnis adest ad flumina nota,
 Ad nota salices candida Faune ueni.
 Ecce tibi niueum uiolae cum flore ligustrum
 Iungo, & Puniceis lilia cina rosis.

ERIDANORVM.

Roscida seruantur legi tibi quæ modo fraga
 Fragæq; quot, totidem basia & ipsa paro.
 Huc ades o' formose, tibi nam nuper ad amnem
 Sicutiq; meam disposuitq; comam.
 Pierides compserunt caput, dum corpus & ipsæ,
 Et crinis flauos molliter amne lauant.
 Inde comam Assyrio certatim unxere liquore.
 Inde Arabo nostrum spirat odore caput.
 Quin citharam docuere, & me fecere magistram,
 Et data pro magno munere eburna chelys.
 Faune ueni, te Sarnis amat, suspirat & unum,
 Et parat in niueo gaudia multa sinu.
 Fistula te & calami uocitant, uocat æstus, & unde
 Auræq; & murmur subsilentis aque.
 His ego mulcebam somnos. tibi purpura mollis
 Tingebat niueas flore decente genas.
 Qualis ubi ad thalamos Hebe deducta mariti
 Ad cupidi erubuit basia prima uiri.
 O' quoties sparsos, erant dum fronte, capillos
 Collegi, blanda disposuiq; manu.
 Sic Lede placitura fuit, sic uxor Orestis
 Atq; Helene dixi sic quoq; culta fuit.
 Et modo compositum reieci in colla capillum,
 Et dixi. hac placuit Laodomia coma.
 O' quoties teneras uariaui flore papillas,
 Et dixi Charites sic coluere sinum.
 Ornabam gemmis digitos. ad Pelea quondam
 Vecta Thetis, niueam sic tulit ipsa manum.
 Brachia nudauit, Auroræ sunt brachia dixi,
 Admouiq; caue rosca poma manu.

Sic rear ad uirides myrtus requiesse Dionē,
 Poma manu Paridis dum tenet illa sui.
 Ipsa sinu Ambrosiam spirat, perq; ora recursante
 Blanditiæ, & grato mixtus honore decor.
 At tibi perq; genas, roseisq; infusa labellis
 Ludit, & in tenero gratia amica sinu.
 Et quoties blandos somno recludis ocellos,
 Crediderim uel te posse mouere deos,
 Quosq; moues, uerum custodia nostra tuetur,
 Teq; meo patior non abuisse sinu.
 Tunc ego non suxisse quidem, libasse labellum,
 Sed tibi sopitæ nil nocuisse uelim.
 Sic leuis ad summum florem de rore liquenti
 Libat, & e tenero gramme lingit apicem.
 Oscula libabam, quæ tu uelut excita somno
 Excipis, atq; aliquid uelle uidere loqui.
 Velle loqui dum uisa, simul dum basia carpo,
 Aurâq; de molli ducitur ore mihi.
 Dum ludo improbius tua duriter ora momordi,
 Hei mihi clamasti. sic iubet ipse dolor.
 Hei mihi clamaui, parcas mitissima, dixi,
 Parcis, & insolito es blanda refusa sinu,
 Colla notas, & labra notas. mox ulta dolorem
 Risisti, & gratos mouit uterq; iocos.

AD STELLAM.

Tella tibi coelū patria est, hinc clara refulges.
 Si tibi terra domus sit, domus Assyria est.
 Assyrios etenim spirat tibi pectus odores,
 Assyrio mollis shalat ab ore liquor.